



অবিলম্বে প্রকাশের উদ্দেশ্যে: 11/1/2023

গভর্নর ক্যাথি হোকল

গভর্নর হোকল ক্লেটন গ্রামে 8.6 মিলিয়ন মার্কিন ডলারের বন্যা স্থিতিস্থাপকতা নির্মাণ প্রকল্পের কাজ সম্পূর্ণ হওয়ার ঘোষণা করলেন

*ক্ষতিগ্রস্ত ডক প্রতিস্থাপন, পুনর্নির্মাণ, এবং সুরক্ষার জন্য এবং বিনোদনমূলক নৌকাচালকদের অ্যাক্সেসিবিলিটি উন্নত করার জন্য 3.7 মিলিয়ন মার্কিন ডলারের বেশি অনুদান*

*রিভারওয়াক উঁচু করতে এবং স্থানীয় ব্যবসাসমূহকে ভবিষ্যতের বন্যার ক্ষয়ক্ষতি থেকে সুরক্ষিত রাখতে 2.55 মিলিয়ন মার্কিন ডলার*

*বর্জ্যপানি সংগ্রহ ও পরিশোধনাগারের উন্নয়ন করতে ক্লেটন গ্রামকে প্রদত্ত 2.4 মিলিয়ন মার্কিন ডলার পাম্পের সক্ষমতা বৃদ্ধি করবে এবং জনস্বাস্থ্য রক্ষা করবে*

*নিউ ইয়র্ক স্টেটের 300 মিলিয়ন ডলারের 'রেজিলিয়েন্সি অ্যান্ড ইকনমিক ডেভেলপমেন্ট' উদ্যোগের অংশ*

গভর্নর ক্যাথি হোকল আজকে ঘোষণা করলেন যে জেফার্সন কাউন্টির ক্লেটন গ্রামে বন্যা স্থিতিস্থাপকতা প্রকল্পের একটি সিরিজের কাজ শেষ হয়েছে। পাঁচটি সম্পূর্ণ প্রকল্পকে লেক অন্টারিও [স্থিতিস্থাপকতা ও অর্থনৈতিক বিকাশ উদ্যোগের \(Resiliency and Economic Development Initiative, REDI\)](#) মাধ্যমে 8.6 মিলিয়ন মার্কিন ডলারের বেশি অনুদান তহবিল প্রদান করা হয়। সম্পূর্ণ হওয়া REDI অর্থায়িত প্রকল্পসমূহ ভবিষ্যতের চরম আবহাওয়া ঘটনার প্রভাব প্রশমন করতে সাহায্য করবে, উপকূলরেখার স্থিতিস্থাপকতা বৃদ্ধি করবে, বিনোদনমূলক নৌকাচালকদের কাছে যাতে ভিলেজ ডক পর্যন্ত নিরবচ্ছিন্ন অ্যাক্সেস থাকে তা নিশ্চিত করবে, এবং রিভারওয়াকের মতো জনপ্রিয় গন্তব্যকে সুরক্ষিত রাখবে। ক্লেটন গ্রামের বর্জ্যপানি সংগ্রহ ও পরিশোধনাগারের (Wastewater Collection and Treatment Plant, WWTP) উন্নয়ন কাজ সেইন্ট লরেন্স নদীর অতিরিক্ত প্রবাহ, এবং সম্ভাব্য স্বাস্থ্য ঝুঁকি নির্মূল করবে।

"জলবায়ু পরিবর্তন ইতিমধ্যেই নিউ ইয়র্ককে প্রভাবিত করছে, ঘনঘন এমন তীব্র চরম আবহাওয়া ঘটনার সৃষ্টি করছে যা আমাদের পুরো স্টেটের সম্প্রদায়সমূহকে বিপর্যস্ত করছে," **গভর্নর হোকল বলেন।** "ভবিষ্যতের ঝড়ের ক্ষতি প্রতিরোধ ও প্রশমনে সাহায্য করার জন্য, লেক অন্টারিও ও সেই লরেন্স নদী সংলগ্ন ওয়াটারফ্রন্ট সম্প্রদায়সমূহকে তাদের অবকাঠামো উন্নয়ন

করতে সাহায্য করার জন্য নিউ ইয়র্ক প্রতিশ্রুতিবদ্ধ। এইসব প্রকল্পের কাজ শেষ করার মাধ্যমে, ক্লেটন গ্রাম শুধু অঞ্চলের অর্থনৈতিক বিকাশকে সমর্থন করছে না, বরং ভবিষ্যৎ প্রজন্মসমূহের জন্য আরো স্থিতিস্থাপক সম্প্রদায় গঠন করছে।"

2019 সালে, সেইন্ট লরেন্স নদী রেকর্ড পরিমাণ পানির উচ্চতার মাত্রায় পৌঁছে যায় যার ফলে নদীর উপকূলরেখা সংলগ্ন সকল সম্প্রদায়জুড়ে বিধ্বংসী বন্যার সৃষ্টি হয়। এই ঘটনাগুলির কারণে সরকারি অবকাঠামোর ক্ষয়ক্ষতি হয় এবং রিভারওয়াকের মতো জনপ্রিয় পর্যটন গন্তব্যের ব্যবহার জনগণের জন্য সীমিত করে দিতে হয়, যা জননিরাপত্তা এবং স্থানীয় অর্থনীতিকে নেতিবাচকভাবে প্রভাবিত করে।

আজকের ঘোষণার মধ্যে যা যা রয়েছে:

- **রিভারওয়াক, 2,554,000 মিলিয়ন মার্কিন ডলার:** সেইন্ট লরেন্স নদীর সংলগ্নে অবস্থিত রিভারওয়াক ভ্রমণকারী ও বাসিন্দাদের জন্য একটি জনপ্রিয় গন্তব্য হয়ে উঠেছে, এটি বিভিন্ন আকর্ষণীয় স্থান ও ডাউনটাউন কেনাকাটার জেলার স্থানীয় ব্যবসাসমূহকে সংযুক্ত করে। 2019 সালে, নদীর পানির উচ্চতা বৃদ্ধি এবং চরম ঢেউয়ের আঘাতের ফলে রিভারওয়াকের অংশবিশেষে বন্যা সংক্রান্ত ক্ষতি হয়। বিদ্যমান কাঠামোর উপরে একটি উঁচু ব্রডওয়াক স্থাপনের মাধ্যমে এই প্রকল্পটি ভবিষ্যতে পানি বৃদ্ধির ঘটনার প্রভাব প্রশমন করতে সাহায্য করবে।
- **ম্যারি স্ট্রিট বোট লঞ্চ ক্রিব ডক, 2,489,000 মার্কিন ডলার:** ম্যারি স্ট্রিটে গ্রামের মালিকানাধীন দুইটি ডক রয়েছে। ম্যারি স্ট্রিটের মেইন ডক (Main Dock) দর্শনার্থী ও বাসিন্দাদের জন্য অত্যাবশ্যকীয় ডকিং স্পেস প্রদান করে। ডকটি পর্যটকদের মধ্যে জনপ্রিয় এবং এটি ভ্রমণকারীদেরকে সম্প্রদায়ের স্থানীয় দোকান, জাদুঘর, এবং রেস্টুরেন্টে যাতায়াত করতে দেয়। ক্ষুদ্রতর ম্যারি স্ট্রিট বোট লঞ্চটি নৌকাচালকদেরকে নৌকার র্যাশ্পে তাদের বিনোদনমূলক জলযান শুরু করতে সাহায্য করে। বন্যার ঘটনার কারণে, উভয় কাঠামোতে উল্লেখজনক ক্ষয়ক্ষতি হয়, যা ডকগুলির স্থিতিশীলতাকে নেতিবাচকভাবে প্রভাবিত করে এবং বিনোদনমূলক নৌকাচালকদের অ্যাক্সেস বিঘ্নিত করে। এই প্রকল্পের স্থিতিস্থাপকতা প্রয়াসের মধ্যে ছিলো বোট লঞ্চ ডককে একটি নতুন ভাসমান ডক দিয়ে প্রতিস্থাপিত করা এবং আরো উঁচুতে মেইন ডক পুনর্নির্মাণ করা।
- **ক্লেটন গ্রাম বর্জ্যপানি সংগ্রহ ও পরিশোধনাগার, 2,370,000 মার্কিন ডলার:** 2019 সালে সেইন্ট লরেন্স নদীর বন্যা ক্লেটন গ্রাম বর্জ্যপানি সংগ্রহ ও পরিশোধনাগারকে এবং সেই সাথে রিভারসাইড ড্রাইভকে নেতিবাচকভাবে প্রভাবিত করে, যার ফলে অবকাঠামোর কিছু অংশ পানির নিচে চলে যায়, পাম্প করার ক্ষমতা সীমিত হয়ে যায়, এবং ক্লোরিন জীবাণুমুক্তকরণ প্রক্রিয়ায় বিঘ্ন ঘটে। প্রকল্পের উদ্দেশ্য ছিলো পানি বেড়ে যাওয়ার ঘটনার সময় হওয়া ক্ষতির সমাধান করা এবং একই সাথে সেইন্ট লরেন্স নদীর অতিরিক্ত প্রবাহ, এবং সম্ভাব্য স্বাস্থ্য ঝুঁকি নির্মূল করা। প্রকল্পের প্রশমন ব্যবস্থার মধ্যে

রয়েছে বিদ্যমান ক্লোরিন কন্টাক্টকে একটি মধ্যবর্তী নিঃসৃত লিফ্ট স্টেশন দ্বারা প্রতিস্থাপিত করা এবং পরিস্রাবণ/জীবাণুমুক্তকরণ ভবনকে সম্প্রসারিত করা যাতে সর্বোচ্চ প্রবাহ পরিশোধন ও পরিশোধনাগারে আতিশয্য প্রদান করার জন্য বৃহত্তর কাপড়ের মিডিয়া ডিস্ক ফিল্টার এবং UV জীবাণুমুক্তকরণ ব্যবস্থা যোগ করা যায়। রিভারসাইড ড্রাইভ পাম্প স্টেশনের (Riverside Drive Pump Station) ড্রাই ওয়েলকে একটি ওয়েট ওয়েলে রূপান্তরিত করা হয়েছে, এবং নতুন আরো বড় একটি ড্রাই পিট ডুবতে পারে এমন পাম্প ইনস্টল করা হয়েছে, যা পরিশোধনাগারের পাম্প করার সক্ষমতা বৃদ্ধি করে এবং নদীর অতিরিক্ত প্রবাহ নির্মূল করে।

- **ভেটেরান্স মনুমেন্টের ভিলেজ ডক, 975,000 মার্কিন ডলার:** ভিলেজ ডক এবং ভেটেরান্স মেমোরিয়াল মনুমেন্ট (Veterans Memorial Monument) ভ্রমণকারী ও পর্যটকদের জন্য জনপ্রিয় গন্তব্য এবং এখান থেকে রিভারওয়াক ও স্থানীয় ব্যবসাসমূহে যাওয়ার সরাসরি অ্যাক্সেস রয়েছে। ডকটি 1996 সালে বসানো হয় এবং এটি একটি কাঠের ভাসমান ডক এবং নোঙ্গর ব্যবস্থা দ্বারা গঠিত। পানি বেড়ে যাওয়া এবং সংশ্লিষ্ট চেউয়ের আঘাত ভেটেরান্স মেমোরিয়াল মনুমেন্টের নিকটে রিভারওয়াক সংলগ্ন ভিলেজ ডকের ভবিষ্যৎ কার্যকারিতাকে ঝুঁকিগ্রস্ত করে। এই প্রকল্পটিতে বিদ্যমান ভাসমান ওয়েভ অ্যাটেনিউয়েটর প্রতিস্থাপন করা হয়, যা ডককে ভবিষ্যতে চেউয়ের চরম আঘাত থেকে রক্ষা করবে।
- **ফ্রিঙ্ক পার্ক আঞ্চলিক ডক (Frink Park Regional Dock), 250,000 মার্কিন ডলার:** ডাউনটাউন ক্লেটনে ফ্রিঙ্ক পার্কের পাশের উপকূলরেখার সংলগ্নে অবস্থিত থাউজেন্ড আইল্যান্ড আঞ্চলিক ডকটি মার্কিন যুক্তরাষ্ট্রের স্বদেশ নিরাপত্তা বিভাগ (U.S. Department of Homeland Security) ও মার্কিন যুক্তরাষ্ট্রের কোস্ট গার্ড (U.S. Coast Guard) -প্রত্যয়িত 105c বন্দর প্রবেশপথ হিসেবে সম্প্রদায়ের জন্য একটি অতি গুরুত্বপূর্ণ অ্যাক্সেস পয়েন্ট। ডকে লস্বা জাহাজ, ইয়ট, টাগবোট এবং ক্রুজ জাহাজ থাকতে পারবে। ডকটির খোলা ও অ্যাক্সেসিবল থাকা অত্যাবশ্যিকীয়। বন্যার ক্ষতির মধ্যে রয়েছে ল্যান্ডিং পেভার ভেসে যাওয়া। এই প্রকল্পের প্রশমন ব্যবস্থার মধ্যে রয়েছে বিদ্যমান শিট পাইল দেওয়াল এবং নদীর তলদেশের শূন্যস্থান পূরণ করা যাতে বাঙ্কহেড দেওয়ালকে রক্ষা করা যায় এবং দেওয়ালের পেছনে জমির ভবিষ্যৎ ভূমিক্ষয় প্রতিরোধ করা যায়।

**নিউ ইয়র্ক স্টেট পরিবেশ সংরক্ষণ বিভাগের (New York State Department of Environmental Conservation, DEC) কমিশনার এবং REDI কমিশনের সহপ্রধান ব্যাসিল সেগোস বলেন,** "প্রতিটি REDI প্রকল্প সম্পূর্ণ করার মাধ্যমে নিউ ইয়র্ক স্টেট লেক অন্টারিও এবং সেইন্ট লরেন্স নদীর উপকূলরেখার সম্প্রদায়সমূহের প্রতি এর প্রতিশ্রুতিকে পুনরায় নিশ্চিত করছে। গভর্নর হোকলের সমর্থন নিয়ে DEC এবং এর স্টেট ও স্থানীয় অংশীদারগণ অতি গুরুত্বপূর্ণ গ্রামীণ অবকাঠামো পূর্বের থেকেও বলীয়ান করে পুনরায় নির্মাণ করছে, যা শুধু ক্লেটনের বাসিন্দাদের জন্য নয়, বরং আগামী বছ বছর ধরে এই আঞ্চলিক সম্পদকে উপভোগ করতে আসা অনেক ভ্রমণকারীর জন্যও লাভজনক হবে।"

**স্টেট সচিব রবার্ট জে. রড্রিগেজ বলেন,** "আমরা সেইন্ট লরেন্স নদীর উপকূলরেখাকে সুরক্ষা প্রদান অব্যাহত রাখছি, তাই অর্থনীতি, পরিবেশ, এবং ক্লেটন গ্রামের সার্বিক টেকসই অবস্থায় থাকার জন্য এমন স্থিতিস্থাপক অবকাঠামো প্রকল্প অত্যাবশ্যকীয়। চরম পানির মাত্রার প্রভাব প্রশমন করতে গভর্নর হোকলের চলমান প্রয়াস আরো বলীয়ান ও আরো স্থিতিস্থাপক সম্প্রদায় গঠনে স্টেটের প্রতিশ্রুতির প্রতিফলন করে। এছাড়াও এই প্রকল্পগুলি ক্লেটন গ্রামে আমাদের স্থানীয় ওয়াটারফ্রন্ট পুনরুজ্জীবন কর্মসূচির (Local Waterfront Revitalization Program) মাধ্যমে আমাদের দীর্ঘ দিনের স্থিতিস্থাপকতা ও পুনরুজ্জীবন প্রয়াসের সম্পূরক, যা আরেকবার প্রদর্শন করে যে স্টেট ও স্থানীয় সরকার একত্রে কাজ করতে কী অর্জন করা যেতে পারে।"

**নিউ ইয়র্ক বিদ্যুৎ কর্তৃপক্ষের (New York Power Authority, NYPA) প্রেসিডেন্ট ও প্রধান নির্বাহী কর্মকর্তা এবং জেফার্সন কাউন্টি REDI কমিশনার জাস্টিন ই. ড্রিস্কল বলেন,** "আজকে ঘোষিত পাঁচটি REDI কমিশন প্রকল্পে দারুণ সরকারি কাজের প্রকল্প হওয়ার সকল বৈশিষ্ট্য রয়েছে। এই প্রকল্পগুলি উপকূলরেখাকে ভবিষ্যৎ বন্যার বিরুদ্ধে বলীয়ান করার পাশাপাশি জননিরাপত্তা উন্নত করবে, অর্থনৈতিক বিকাশ চালনা করবে, এবং এলাকার বাসিন্দা ও পর্যটকদের জন্য বিনোদনমূলক সুযোগ উন্নত করবে। এইসব প্রকল্প স্থানীয় সম্প্রদায়ের জন্য যেই দীর্ঘমেয়াদি লাভ নিয়ে আসবে তার জন্য NYPA তে আমরা আনন্দিত।"

**এনভায়রনমেন্টাল ফ্যাসিলিটিজ কর্পোরেশনের (Environmental Facilities Corporation, EFC) প্রেসিডেন্ট ও প্রধান নির্বাহী কর্মকর্তা মরিন এ. কোলম্যান বলেন,** "বাসিন্দাদের জনস্বাস্থ্য এবং ক্লেটন গ্রামের মতো উপকূলবর্তী সম্প্রদায়সমূহের সমৃদ্ধ পর্যটন শিল্পখাতের জন্য বর্জ্যপানি পরিশোধনাগার সুরক্ষিত রাখার সর্বোচ্চ গুরুত্ব রয়েছে। 2.37 মিলিয়ন মার্কিন ডলার অনুদান দিয়ে অতি গুরুত্বপূর্ণ এইসব উন্নয়নকাজ করতে গ্রামকে সাহায্য করতে পেরে EFC গর্বিত। গভর্নরের REDI কর্মসূচির সমর্থনে মিউনিসিপ্যালিটিগুলিকে অনুদান প্রদান করার মাধ্যমে, EFC অতি গুরুত্বপূর্ণ অবকাঠামোর সুরক্ষায় সহায়তা করছে, যা আমাদের উপকূলরেখার দীর্ঘস্থায়ী স্থিতিস্থাপকতার অবদান রাখে।"

**স্টেটের সিনেটর মার্ক ওয়ালজিক বলেন,** "ক্লেটন গ্রাম দৃঢ় ও স্থিতিস্থাপক হয়েই আছে এবং এটি আমেরিকার সামনের আঙ্গিনার সৌন্দর্য দেখার জন্য ভ্রমণকারীদের আকৃষ্ট করে। মুখ্য অবকাঠামো ও পর্যটন সম্পদের উন্নয়ন করতে প্রতিশ্রুতি গ্রহণ করা জেফার্সন কাউন্টি ও 49 সিনেট জেলার জন্য একটি গুরুত্বপূর্ণ উদ্যোগ।"

**অ্যাসেম্বলি সদস্য স্কট গ্রে বলেন,** "REDI কর্মসূচির অধীনে ক্লেটনে রিভারওয়াক ও বিভিন্ন ডকসহ একাধিক অতি গুরুত্বপূর্ণ অবকাঠামো ও সম্প্রদায়ের প্রকল্পের কাজ শেষ হয়েছে, এবং ভবিষ্যতের বন্যার ক্ষয়ক্ষতি প্রশমনের জন্য মোট তহবিলের পরিমাণ 8.6 মিলিয়ন মার্কিন ডলার। প্রকল্পের উদ্দেশ্য হলো কাঠামোর পুনর্গঠন ও উঁচু করা, ক্ষতিগ্রস্ত ডক প্রতিস্থাপন করা, এবং 2019 সেইন্ট লরেন্স নদীর বন্যা দ্বারা ক্ষতিগ্রস্ত বর্জ্যপানি পরিশোধনাগারের উন্নয়ন করা। উদ্যোগগুলি চরম আবহাওয়া ঘটনায় অঞ্চলের স্থিতিস্থাপকতা বলীয়ান করবে, মুখ্য অ্যাক্সেস পয়েন্ট এবং বাসিন্দা ও পর্যটক সকলের জন্য বিনোদনমূলক স্থানকে নিরাপদ রাখবে এবং স্থায়ী অর্থনৈতিক লাভ প্রদান করবে।"

**জেফার্সন কাউন্টি আইনসভার (Jefferson County Legislature) সভাপতি উইলিয়াম জনসন বলেন,** "জেফার্সন কাউন্টিতে REDI প্রকল্পের আরো একটি সিরিজ সম্পূর্ণ হতে দেখে আমরা খুশি। ক্লেটনের স্থিতিস্থাপকতা প্রকল্পসমূহ শুধু গ্রামীণ অর্থনীতিকে জোরদার করতে সাহায্য করবে না, বরং অঞ্চলটি যেই অত্যাৱশ্যকীয় পর্যটন অর্থনীতির উপর নির্ভর করে তাও বলীয়ান করবে। জেফার্সন কাউন্টিতে ধারাবাহিক কাজ ও সমর্থনের জন্য নিউ ইয়র্ক স্টেট, গভর্নর ক্যাথি হোকল, এবং REDI কমিশনকে ধন্যবাদ।"

**ক্লেটন গ্রামের মেয়র নর্মা জিমার বলেন,** "REDI প্রকল্পসমূহের এমন দারুণ ইতি সম্ভব করার জন্য প্রদত্ত অর্থায়ন ও অংশীদারিত্বের জন্য ক্লেটন গ্রাম আন্তরিকভাবে কৃতজ্ঞ। আমাদের ম্যারি স্ট্রিট ডক, ওয়েভ অ্যাটেনিউয়েটর, মেমোরিয়াল পার্কের ডক, এবং সেই সাথে আমাদের WWTP অর্থনৈতিক বিকাশের জন্য প্রয়োজনীয় অবকাঠামো প্রদানে আমাদের সক্ষমতাকে বৃদ্ধি করেছে এবং আমাদের স্থানীয় রেস্টুরেন্ট, ইভেন্ট, কেনাকাটা, পরিবার ও বন্ধুদের কাছে বেড়াতে আসা এবং সুন্দর সূর্যাস্ত উপভোগ করার জন্য আমাদের নাগরিকদের একটি জমায়েত হওয়ার স্থানে প্রদত্ত সুযোগসুবিধা উপভোগ করা বহু নৌকাচালকদের জন্য বন্দোবস্ত করার আমাদের সক্ষমতাকে বৃদ্ধি করেছে। এইসব প্রকল্পের অংশ সকলের প্রতি কৃতজ্ঞতা এবং আমাদের সম্পর্ক অব্যাহত রাখার জন্য আমরা উন্মুখ।"

অন্টারিও লেক এবং সেন্ট লরেন্স নদীর তীরে বন্যা হওয়ার প্রসারিত ধরনের প্রতিক্রিয়া হিসেবে উপকূলীয় কমিউনিটিগুলির স্থিতিশীলতা বৃদ্ধি করতে এবং অঞ্চলের অর্থনৈতিক উন্নয়ন জোরদার করার জন্য নিউ ইয়র্ক স্টেট REDI প্রতিষ্ঠা করে। পাঁচটি REDI আঞ্চলিক পরিকল্পনা কমিটি যা আটটি কাউন্টির অংশগ্রহণে গঠিত (নায়্যাগ্রা এবং অরলিন্স, মনরো, ওয়েইন, কায়ুগা এবং ওসওয়োগো এবং জেফারসন এবং সেন্ট লরেন্স), স্থানীয় অগ্রাধিকার, ঝুঁকিপূর্ণ পরিকাঠামো এবং অন্যান্য সম্পদ এবং জননিরাপত্তা সংক্রান্ত উদ্বেগ চিহ্নিত করার জন্য প্রতিষ্ঠিত হয়েছিল। REDI এর মাধ্যমে অন্টারিও লেক এবং সেন্ট লরেন্স নদীর তীরবর্তী অঞ্চলে কমিউনিটির সুযোগ-সুবিধা বাড়াতে এবং স্থিতিশীলতা উন্নত করার জন্য স্টেট 300 মিলিয়ন মার্কিন ডলার পর্যন্ত প্রতিশ্রুতি দিয়েছে।

2019 সালের বসন্তে স্টেটের REDI প্রোগ্রাম তৈরির পর থেকে 134টি REDI অর্থায়িত স্থানীয় এবং আঞ্চলিক প্রকল্প চলছে, যার মধ্যে 28টি প্রকল্প নকশা পর্যায়ে, 25টি প্রকল্প নির্মাণ পর্যায়ে এবং 81টি প্রকল্প সম্পন্ন হয়েছে।

আরো তথ্য, প্রজেক্ট প্রোফাইল ও REDI বিষয়ক সংবাদের জন্য, [এখানে](#) ক্লিক করুন।

### **নিউ ইয়র্ক স্টেট ওয়াটার কোয়ালিটি ইনভেস্টমেন্টস**

REDI ছাড়াও, নিউ ইয়র্ক স্টেট পানির অবকাঠামো উন্নয়ন এবং পানির গুণমান বাড়ানোর জন্য অন্যান্য রেকর্ড পরিমাণ বিনিয়োগ করেছে। 2023-24 প্রণীত বাজেটে বিশুদ্ধ পানির তহবিলে 500 মিলিয়ন মার্কিন ডলার অন্তর্ভুক্ত রয়েছে, যা 2017 সাল থেকে স্টেটব্যাপী বিশুদ্ধ পানির অবকাঠামোতে নিউ ইয়র্ক স্টেটের মোট বিনিয়োগকে 5 বিলিয়ন মার্কিন ডলারে নিয়ে এসেছে। নিউ ইয়র্কের গ্রেট লেকস অববাহিকায় তহবিল - প্রাথমিকভাবে স্টেট এনভায়রনমেন্টাল

ফ্যাসিলিটিজ কর্পোরেশনের মাধ্যমে - নিউ ইয়র্ক স্টেটের 615টি স্বতন্ত্র প্রকল্পে অনুদান (পানির অবকাঠামো এবং উন্নয়ন আইন এবং ইন্টারমিউনিসিপ্যাল অনুদান তহবিল থেকে) এবং স্বল্প-ব্যয়ে অর্থায়ন উভয়ক্ষেত্রেই প্রায় 2 বিলিয়ন মার্কিন ডলার সরবরাহ করেছিল। এই এলাকায় 280টি এরও বেশি প্রকল্পের জন্য DEC 258 মিলিয়ন মার্কিন ডলার দিয়েছিল।

এছাড়াও, নিউ ইয়র্কের ভোটাররা নভেম্বর 2022 সালে 4.2 বিলিয়ন মার্কিন ডলার [ক্লিন এয়ার এবং গ্রীন জবস এনভায়রনমেন্টাল বন্ড অ্যাক্ট](#) অনুমোদন করেছে। গভর্নর হোকল এবং স্টেট আইনসভা 3 বিলিয়ন মার্কিন ডলার থেকে 4.2 বিলিয়ন মার্কিন ডলারে উন্নীত করে এটিকে স্টেটের ইতিহাসে বৃহত্তম পরিবেশগত বন্ড এবং 1996 সালের পর নিউ ইয়র্কে প্রথম করে তোলে। বন্ড অ্যাক্ট পুরাতন পানির অবকাঠামো রক্ষণাবেক্ষণ এবং পানির গুণগত মান রক্ষা, তীব্র ঝড় ও বন্যা সহ্য করার জন্য কমিউনিটির সক্ষমতা শক্তিশালীকরণ, বায়ু দূষণ এবং জলবায়ু পরিবর্তনকারী নির্গমন হ্রাস, আবাসস্থল পুনরুদ্ধার, বহিরঙ্গন স্থান এবং স্থানীয় খামার সংরক্ষণ এবং অনগ্রসর কমিউনিটির রিসোর্সের 40 শতাংশের লক্ষ্যসহ কমপক্ষে 35 শতাংশ বিনিয়োগ করে সমতা নিশ্চিত করা।

2023-24 সালে স্টেট অব দ্য স্টেট, গভর্নর হোকল স্টেট এনভায়রনমেন্টাল ফ্যাসিলিটিজ কর্পোরেশনের প্রযুক্তিগত সহায়তা কর্মসূচি সম্প্রসারণ এবং ক্ষুদ্র, গ্রামীণ এবং সুবিধাবঞ্চিত কমিউনিটিগুলোকে তাদের বিশুদ্ধ পানির অবকাঠামোর চাহিদা মেটাতে এই তহবিলটি কাজে লাগাতে সহায়তা করার জন্য এই বছর কমিউনিটি অ্যাসিস্ট্যান্স টিমও চালু করেছেন।

###

আরো সংবাদ এখানে পাওয়া যাবে: [www.governor.ny.gov](http://www.governor.ny.gov)  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418